

Pembukaan Semula Prasekolah di Labuan Dengan SOP Ketat



Labuan, 1 Julai : Selepas lebih tiga bulan ditutup susulan pandemik COVID-19, hari ini pembukaan semula prasekolah di seluruh negeri termasuk di Labuan.

Semua sekolah di Labuan dibuka dengan mematuhi prosedur operasi standard (SOP) yang ketat ketika memasuki kawasan sekolah.

Setiap murid perlu diperiksa suhu badan, mencuci tangan menggunakan cecair pensanitasi tangan sebelum masuk ke kelas termasuk penjarakan sosial di dalam kelas.

Ceria bertemu rakan-rakan, murid-murid mematuhi panduan guru dan mengikuti SOP termasuk jarak sosial walaupun agak kekok kerana terpaksa duduk berjauhan antara satu sama lain.

Menurut Puan Maimoon Matnoh, Timbalan Pengarah Sektor Pengurusan Sekolah, Jabatan Pendidikan Wilayah

Persekutuan Labuan, seramai 803 orang murid prasekolah memulakan persekolahan hari ini, melibatkan 14 buah prasekolah Kementerian Pendidikan Malaysia.

15 tadika swasta juga dibuka hari ini melibatkan 1,513 orang murid.



Imbasan suhu sebelum memasuki kawasan sekolah



Murid diajar mencuci tangan dengan betul



Puan Maimoon sedang mendengar penerangan daripada Puan Mahani, Guru Besar SK Pantai



Timbalan Pengarah Sektor Pembelajaran, Jabatan Pendidikan Labuan, Yusup Mohamad ketika membuat tinjauan hari pertama persekolahan prasekolah, di sini semalam.